

ত্রিপুরা সরকার
তথ্য ও সংস্কৃতি অধিকার

স- ৪৯৮৫

তেলিয়ামুড়া, ২৭ ফেব্রুয়ারি, ২০২৪

প্রাণীপালনের মাধ্যমে রাজ্যের যুবক যুবতীরা যাতে স্বনির্ভর হতে পারে
সেজন্য বিভিন্ন প্রয়াস নেওয়া হয়েছে : প্রাণীসম্পদ বিকাশ মন্ত্রী

রাজ্যের বর্তমান সরকার এক ত্রিপুরা শ্রেষ্ঠ ত্রিপুরা গঠনের লক্ষ্যে প্রধানমন্ত্রী নরেন্দ্র মোদির দেখানো পথে এগিয়ে চলেছে। উন্নয়নের সুফল সব অংশের মানুষের কাছে পৌছে দেওয়ার লক্ষ্যে বিভিন্ন প্রকল্প হাতে নেওয়া হচ্ছে। আজ তেলিয়ামুড়া পূর পরিষদ এলাকার ৩০% ওয়ার্ডে পশু চিকিৎসালয়ের নতুন ভবনের আনুষ্ঠানিক উদ্বোধন করে প্রাণীসম্পদ বিকাশ মন্ত্রী সুধাংশু দাস একথা বলেন। তিনি বলেন, প্রাণীপালনের মাধ্যমে রাজ্যের যুবক যুবতীরা যাতে স্বনির্ভর হতে পারে সেজন্য বিভিন্ন প্রয়াস নেওয়া হয়েছে। পশু-পাখীর তৎখনাত চিকিৎসা করার লক্ষ্যে রাজ্য বর্তমানে ১৩টি মোবাইল ভ্যাটেরিনারি ইউনিট চালু রয়েছে। ১৯৬২ এই টোল ফ্রি নম্বরে ফোন করলেই যেকোন জায়গায় এই অ্যাস্বুলেন্স পৌছে যাবে চিকিৎসা পরিষেবা প্রদান করার জন্য। রাজ্যের বিভিন্ন জায়গায় পশু চিকিৎসালয়ের যে সমস্ত পরিকাঠামো রয়েছে সেগুলি শক্তিশালী করা হচ্ছে। তিনি বলেন, পশুপালন ও মৎস্যচাষ হচ্ছে খুব দুর্ত গতিতে স্বনির্ভর হওয়ার একটা বড় মাধ্যম। রাজ্য সরকার এজন্য এই দুটি ক্ষেত্রের উন্নয়নে বিশেষ গুরুত্বারোপ করেছে।

অনুষ্ঠানের প্রধান অতিথি রাজ্য বিধানসভার সরকার পক্ষের মুখ্যসচেতক বিধায়ক কল্যাণী সাহা রায় বলেন, গ্রামীণ অর্থনীতির বিকাশে প্রাণীসম্পদ বিকাশ দপ্তরের গুরুত্ব অপরিসীম। অনুষ্ঠানে স্বাগত বক্তব্য রাখেন প্রাণীসম্পদ বিকাশ দপ্তরের উপাধিকর্তা ডা. প্রাণ কুমার দাস। অনুষ্ঠানে অন্যান্য বিশিষ্ট ব্যক্তিদের মধ্যে উপস্থিত ছিলেন তেলিয়ামুড়া পঞ্জয়েত সমিতির চেয়ারম্যান ঘৰুনা দাস, তেলিয়ামুড়া বিএস'র চেয়ারম্যান ভানলাল রাঞ্চল, তেলিয়ামুড়া পূর পরিষদের চেয়ারপার্সন রূপক সরকার, ভাইস চেয়ারপার্সন মধুসুধন রায়, প্রাণীসম্পদ বিকাশ দপ্তরের অধিকর্তা ডা. এম কে চক্রবর্তী প্রমুখ। উল্লেখ্য, এই ভবনটি নির্মাণে ব্যয় হয়েছে ৮১ লক্ষ ৮০ হাজার টাকা।
